

鐵
琴
銅
劍
樓
藏
書
目
錄

鐵琴銅劍樓藏書目錄卷第十

常熟瞿 鏞子雍

史部三

傳記類

東家雜記二卷

宋刊本

首列紹興甲寅三月辛亥四十七代孫右朝議大夫
知撫州軍州事兼管內勸農使仙源縣開國男食邑
三伯戶借紫金魚袋孔傳序有杏壇圖及說與琴歌
壇作三重核諸敏求記所載悉合卽遵王所見之書
也後附元豐八年四十六代孫宗翰紹興二年四十

八世孫端朝家譜舊序又淳熙五年五十世孫擬序
一首序云歷代追崇之盛典備見中散公東家雜記
則非序是書之文當亦是家譜序耳案世文自序與
祖庭廣記附刻者字句稍異而作序歲月亦不同此
本作紹興甲寅三月辛亥廣記作宣和六年甲辰三
月戊午又署銜此作朝議大夫知撫州廣記作朝散
大夫知邠州蓋世文先作祖庭雜記南渡後復作此
書廣記所採者乃祖庭雜記也每半葉十行行十八
十九字不等敬慎字有減筆管勾之勾或作勺避高
宗嫌名也舊爲士禮居藏書後有黃堯圃錢竹汀二

跋竹汀跋語與養新錄所載略同

卷首尾有麗南樓藏孫育之印周裕

沈氏沈偉之印雄仲

歲寒小隱諸朱記

孔氏祖庭廣記十二卷

蒙古刊本

題資政大夫襲封衍聖公知集賢院兼太常丞五十一代孫元措謹續編是書合家譜祖庭雜記而增益門類冠以圖象故曰廣記中記先聖生日爲魯襄公二十二年十月二十七日庚子不同史記世家作十一月庚子又聖妃并官氏不作元官與韓勅造孔廟禮器碑及鄧名世古今姓氏書辨證王伯厚姓氏急就篇合足證明人刻家語誤并爲元之失書成於金

正統四年丁亥有元措自序張左丞行信序及元豐
八年孔宗翰家譜舊引宣和六年孔傳祖庭雜記舊
引先鐫板南京此蒙古壬寅年重雕本流傳甚夥錢
唐何夢華爲曲阜孔氏壻得之潛研錢氏有手書跋
亦見養新錄又有黃蕘圃兩跋及孫淵如瞿木夫題
字

右聖蹟

晏子春秋八卷

影鈔
元本

舊不題名是書烏程閔氏本竄亂舊第惟元刻本尙
存舊式內篇分諫上諫下問上問下雜上雜下六篇

外篇兩卷一爲重而異者一爲不合經術者其八篇
與漢志合總目後系劉向序以下每卷目後接本文
此本卽全椒吳氏刊本之底槩卷末有陽湖孫氏題
記云影元版本鈔晏子据別本改正數字用朱筆記
之

晏子春秋八卷

明刊本

此明李氏綿眇閣刻本卽出自元刻篇次行款悉合

卷首有孫印從
添慶增氏朱記

魏鄭公諫錄五卷

鈔本

唐王方慶集唐志曰魏徵諫事通鑑書目曰魏元成

故事卽此書也容齋隨筆所引亦作魏鄭公諫錄淳熙己亥吳興李某得本於陳叔進舍人屬其客馬萬頃叔度校正謬誤刻於郡齋正德二年吳中刻本有李馬二跋今秀野草堂本遺去馬跋矣此依正德本校過

李相國論事集六卷補錄一卷

舊鈔本

唐蔣偕錄李相國絳論諫之文次爲七卷日論事集有序舊題李深之文集者後人所改也案陸放翁跋謂論事集有兩本其一本七卷其一本一卷此菴竹堂鈔本惜祇存六卷今於各書中補錄十有一篇附

於後

卷首有葉文莊公家世藏葉德榮父收藏二朱記

雲韓堂紹陶錄二卷

舊鈔本

題泰山王質述曰紹陶者謂其友唐濟民鹿伯可
紹淵明通明二公而卽以自寓也雲韓堂雪山王氏
堂名此洞庭翁氏棧鈔藏本有跋曰健庵徐司寇撰
志於吾山借得紹陶錄發鈔余見其旨趣高逸因命
炳揆兩兒錄得一木以期日後尙平事畢託友魚鳥
以漁鼓簡板歌此辭於煙光嵐翠之間也康熙三十

年辛巳端午

卷首有洞庭翁杖又張朱記

祠山事要指掌集四卷

元刊殘本

元梅應發因宋周秉秀舊本重編舊止八卷梅氏始增爲十卷一聖像附從聖像二世系三前後事跡四顯應事實五祠宇附埋藏六生辰七正訛八神屬李王方侯九廣惠靈異記附修廟碑十古今名公祈謝文卷首冠以明太祖御製詩疑是明時補板或翻刻本也今僅存前四卷自五至末皆缺後有張月霄跋云此本述古錢氏舊藏卽讀書敏求記著錄本也然考敏求記所載尙存八卷之舊乃是周秉秀原本目錄序次亦與是書不合張氏以爲卽此本偶失檢耳集中有瀕真卿橫山廟碑今魯公集中未載

卷首有吳岫董

印其昌汲古主人
毛氏子晉諸朱記

烏臺詩案一卷

舊鈔本

不著撰人名氏書錄解題作烏臺詩話十三卷朋九

萬編今止一卷殆非全本也舊爲邑中秦氏所藏首

有口石秦氏四
磨之印二朱記

鄂國金陀粹編二十八卷續編三十卷

元刊本

題孫奉議郎權發遣嘉興軍府兼管內勸農事岳珂
有自序後序戴洙序續編有自序及跋此書舊有嘉
禾刻本歲久脫壞至正二十三年朱元祐求得其本
參互考訂重刻於西湖書院陳基爲之序較舊刻爲

詳卽是本也中有闕文一仍其舊蓋當時已殘佚無從補輯矣內序目至第四卷皆鈔補

鄜王劉公家傳三卷

舊鈔本

宋劉武僖公光世家傳闕首卷未著撰人趙清常從閣本錄得者其跋云第一卷脫十八葉惟存十九葉尾張三卷止於紹興元年不知後當逸去幾何蓋首尾皆不全矣

運使郭公言行錄一卷敏行錄一卷

元刊本

題福州路儒學教授徐東撰言行錄紀郭公郁居官事敏行錄皆一時名人投贈詩文頌其政績也此書

自來諸家書目未著錄今見錢氏補元史藝文志養
新錄及張氏藏書志阮氏經進書目各家題跋已詳
本末惟張氏阮氏分載二書不知敏行錄卽附刻於
言行錄後亦徐東所編阮氏誤以卷首有黃文仲林
興祖二序遂疑爲二人所編也

右名臣

古列女傳七卷續列女傳一卷

明刊本

此書有宋本傳刻目錄前題漢護左都水使者光祿
大夫劉向編撰是本無之傳後有黃魯曾贊知爲明
刻也前列嘉祐八年王回序及曾鞏序蔡驥跋案晁

氏讀書志亦載王回序中圖其狀物以爲卒篇二句
通考物總無以字此本與之合則信爲明刻之善本
矣

高士傳三卷

明刊本

題元晏先生皇甫謐撰晁氏讀書志作九十六人陳
氏書錄作八十七人李石續博物志作七十二人今
本與讀書志合此明嘉靖中黃省曾刻本傳後有頌
省曾作也

蜀本王學士春秋臣傳三十卷

舊鈔本

宋王當撰此書晁氏讀書志陳氏書錄俱作五十一

卷與宋志合此本止三十卷而一百三十有四人
之數與晁氏合蓋後人省併卷第以刻之者是本額上
有標註卷首題直學省元曾基之學諭省元邱聞之
同校正當從元刊本傳錄

廣卓異記二十卷

舊鈔本

題朝散大夫行尚書都官員外直史館上柱國樂史
撰自序謂嘗以李翔卓異記未博撰續唐卓異記三
卷繼復卽漢魏至五代併唐事爲廣卓異記卓異記
非習之作此書蕪雜外謬并闕及神仙靈異之事疑
亦非正子筆也舊爲金壇王氏鈔本每葉板心有鬱

新書目錄卷一
岡齋藏書五字

卷首有周春
松濤二朱記

紹興十八年同年小錄

鈔本

此宋紹興十八年王佐榜進士題名錄世以是錄因
朱子而重故明初有刊本又有石刻在滁州歐梅亭
明人張安道所刻惟朱子名字三代鄉貫全載其餘
僅書名及本貫州縣此從明初本傳錄猶同宋時舊
帙也首列紹興十七年三月二十四日手詔及御試
策一道後列知貢舉以下銜名是榜徐履以南省第
一人而殿五甲張荃翁貴耳錄謂履因功名之念太
重遂有心恙之疾殿試卷子寫一枝竹題曰畫竹一

竿送上試官朝廷亦優容之此本附錄云時相秦檜
欲妻以女因陽狂廷對不答一字乃附第五甲末其
說不同各記所傳聞耳又是科吾邑登第者曰冷世
光世修兄弟及胡百能錄云世光第四甲第七人字
賓王小名福子小字慶孫年二十七六月二十八日
生外氏沈具慶下第四十一兄弟五人一舉娶何氏
曾祖邁故不仕祖佚故不仕父嗣立見任秀州助教
木貫平江府常熟縣積善鄉虞山里父爲戶世務按
當是修第五甲第二十五人字良器小名慶兒小字
之誤餘慶年二十四三月十八日生第四十四娶馬氏餘

同世光百能第四甲第五十一人字少明小名同老
小字祖壽年四十八七月十二日生外氏樓永感下
第二十一兄弟終鮮六舉娶張氏曾祖教故大中大
夫祖稷言故通直郎父嶧故右迪功郎本貫平江府
長洲縣安樂鄉絃歌里祖爲戶按百能邑之塗菘人
後居郡城故貫長洲宋時功令無寄籍之嫌猶朱子
籍婺源而錄中貫建州建陽也備錄之以資修邑乘
者參核

新刊名臣碑傳琬琰之集一百七卷

宋刊本

題眉川進士杜大珪編目錄分上中下上二十七卷

神道碑中五十五卷誌銘行狀下二十五卷傳第二十二卷以後雜以謚議行狀宋朝名臣事實略具於此前有紹興甲寅序不題名每半葉十五行行二十
五字楮墨精好洵爲宋槧之善本

寶祐四年登科錄一卷

本鈔

此從明初刊本傳錄款式與紹興同年錄相似卷首御試策後列考官有初考官三人添差初考官三人覆考官三人添差覆考官四人初考檢點試卷官一人其覆考檢點試卷官一人則厚齋王公也是錄以文信國陸君實謝疊山三人而重猶紹興同年錄之

以朱子而傳也錄後有信國對策一篇理宗御製賜詩信國謝詩謝表乃後人附入非當時原本也是科吾邑無中者平江府僅有邊雲遇王體文兩人皆籍崑山縣

京口耆舊傳九卷

鈔本

不著撰人名氏紀京口名賢事蹟甚詳有資史籍考證如米芾卒年五十有七與宋史本傳年四十九不同子友仁仕至工部侍郎與宋史兵部侍郎不同

敬鄉錄十四卷

舊鈔本

元吳師道撰并序專紀婺地人物并錄詩文始梁代

迄宋末發人如喻叔奇良能何茂恭恪之文皆陳龍川所劖賞者多託此以傳

元統元年進士題名錄一卷

鈔本

此從郡中黃氏所得元刊本傳錄元制蒙古色目人與漢人南人分兩榜一甲止一人是科一甲各三人二甲各十五人三甲各三十二人共百人蒙古與色目各二十五人漢人與南人各二十五蒙古及第第一人爲同同第二人爲余忠宣闕漢人及第第一人爲李齊原本錄後附試策多斷爛處而忠宣一篇差可讀殆有神物護持者與潛研錢氏謂錄中諸人里

貫可考證元史闕論黃氏丕烈跋曰嘉慶二年春正月從郡城醋坊橋崇善堂書肆獲睹此元刊本亟購歸質諸錢竹汀先生先生據之駁正元史數條作跋見示余因裝治成帙播諸友人而是錄遂有聞於世矣得書之後十日羹翁記

重刻宋朝南渡十將傳十卷

元刊本

此書卷一至卷四爲劉岳李魏四將傳題史官章穎纂其韓世忠張俊虞允文張子蓋張宗顏吳玠六將之傳不題撰人蓋元人續纂也案袁本讀書志有四將傳無十將傳者尙是章穎舊本周香巖所藏毛氏

鈔本先以種諤傳趙起撰不分卷亦無宋朝南渡十將傳字樣是別一本也此本爲曹倦圃藏書後有黃

蕘圃跋

卷首有構李曹氏藏書曹溶之印二朱記

十七史百將傳六卷

元刊殘本

題東光張預集全書十卷凡百人始太公迄五代之劉詞傳後各引孫子兵法合其行事斷之其書見晁陳兩家書目傳本絕稀惜僅存自太公而下止陶侃

舊爲汲古毛氏藏書

卷首有毛晉願文耀氏二朱記

國朝名臣事略十五卷

元刊本

題趙郡蘇天爵伯修輯凡名臣四十七人采錄事蹟

皆標出處發端於爲胄子日成書於至順間久而後
就此其初刻本也有許有壬歐陽玄王理王守誠等
序日後有元統乙亥余志安刊於勤有書堂一條案
元統止癸酉甲戌二年乙亥乃至元元年書林不知
改元而誤記耳天爵又有遼金紀年見王理序今其
書不傳此本舊爲郡人吳伊仲藏書繼歸執經堂張
氏士禮居黃氏愛日精廬張氏卷首有伊仲枚庵校
覽所及吳巷張氏執

經堂藏士禮
居藏諸朱記

稗史集傳一卷

明刊本

元徐顯撰專記其所與遊及耳目所聞見者凡隱士

十一人烈婦二人前有自序傳後有論贊釋其旨蓋亦元之逸士也舊爲毛子晉藏書

草莽私乘一卷

舊鈔本

題南村陶宗儀鈔輯凡孝子忠臣節婦二十篇其主意在龔聖子所作文信國陸君實兩傳也宋遺民錄刻二傳多脫謄得此可以校正是書出南村手藁藏王弇州家江上李氏錄副以傳舊爲邑中錢氏所藏目後有題記云萬曆庚申春日借李如一鈔本繕寫

卷首有張遠之印超然二朱記

成都氏族譜一卷

鈔本

元費著撰并序專紀成都大姓世系但書其名不書其事自唐以後氏族之學無有傳者此書綴緝有法猶可考見其略焉

史鈔類

兩漢博聞十二卷

舊鈔本

舊不題名案晁氏讀書志作楊侃撰侃以避眞宗諱後改名大雅亦見東都事略是書明黃省曾刻本流傳頗多此從宋刻錄出者卷末有題記云元質頃游三館蒐覽載籍得兩漢博聞一書記事纂言眞得提鈎之要惜其傳之不廣也爰是正而芟約之刻板於

姑熟郡齋乾道壬辰十月旦日吳郡胡元質書今以是書校漢書顏注可以正譌者如第一卷引高帝紀蕭何立北闕注公車司馬亦在此焉今漢書注此誤北第二卷引文帝紀誹謗之木注服虔曰橋梁邊板柱頭也今漢書注邊板誤交午宋本亦作邊板與此書合第三卷引武帝紀蹶弛之士注不入俗檢而見斥逐者今漢書注斥誤蹶又引昭帝紀五年以前遭更賦未入者皆勿收注因使住一歲一更今漢書注使誤便或誤更第四卷引景帝紀中六年取苑馬注養馬三十萬頭今漢書注頭誤匹又引成帝紀建始元年公主王

主注王主卽翁主也今漢書注卽誤則舉此數端略
可推見其善惜爲元質刪削恐已失楊氏之舊矣舊

爲季滄葦藏書

卷首有滄葦季
印振宜二朱記

東萊呂氏西漢精華十四卷東漢精華十四卷

明刊本

舊不題名首標東萊呂氏宋元時書肆本式也此明
藩重刻本有刊板序

十七史詳節二百七十三卷

元刊本

此書仿南宋巾箱本凡史記二十卷西漢書三十卷

東漢書三十卷三國志二十卷

原闕以明
刻本補

晉書三十

卷南史二十五卷北史二十八卷隋書二十卷新唐

書六十卷

原闕以明刻本補

五代史十卷世傳爲呂成公輯

錄本而公弟監倉子約所撰年譜不載又樓宣獻祠堂記詳言公所著亦不及此書其說實誤於明建陽慎獨齋劉宏毅刻本概題爲東萊先生某史詳節此本於史記則曰東萊先生增入正義音註史記詳節於漢書則曰參附漢書三劉互注西漢詳節又曰諸儒校正西漢詳節於後漢書則曰諸儒校正東漢詳節餘皆曰東萊校正某書詳節其爲書賈假名以增重可知且漢書中雜附致堂胡氏之論卽讀史管見中語考致堂猶子大壯跋管見謂書成刻於嘉定十

一年成公安得預見其書而採之耶又書中有互注及每種前有世系紀年地里之圖乃宋末時書肆所行纂圖互注之本其非公所作明矣

漢雋十卷

宋刊本

宋林鉞撰并序又魏汝功後序每卷首行標漢雋卷第幾次行低二格列目次畢低四格列篇名下接本文猶存古本之式每半葉九行大書分注每行大字十五小字三十板心有字數刊工名自序林鉞不作越可證延祐庚申袁桷刻本之誤此嘉定閒趙氏原刻本板印楮墨俱極精好卷末有浚儀趙時侃題記

云右漢雋十卷亦厄於開禧兵燹余既重刊慶曆前
後集因訪求舊本再鋟木於郡齋嘉定辛未中秋日
書法工雅殆出手蹟

卷首有希之裏
古閣藏二朱記

通鑑總類二十卷

校宋本

宋沈樞撰此書舊有嘉定中潮陽刻本元至正癸卯
復刻於蘇州郡庠前有周伯琦序是書卽元刻而紙
墨不古已爲明時印本矣然轉有改正宋刻譌處者
如卷一治世門德宗不尚玩好條作代宗爲是苛察
門周行逢善發隱伏條劉光委多安飲作晏飲爲是
卷五繼嗣門太后欲以梁孝王爲嗣條景帝由此怨

望梁王不脫望梁王三字爲是然全書相覈明刻譌處正復不少李君菘耘曾爲余統校一過如卷一苛察門北魏置內外候官條百官職滿二丈丈譌文天后爲學生求假發敕條故左右丞徒以下不句句譌

拘

句句本字

卷二名器門賜李行言金紫條匿軍家索之

脫匿字興作門後趙王虎作太武條及雜伎工巧及譌乃梁武帝築浮山堰條乃運東西冶鐵器數千萬斤脫器字公法門北魏源懷不以舊交恕元尼須條尼須揮淚無以對尼譌泥詔令制詰門興元詔書條罔敢怠荒罔譌妄卷五繼嗣門契丹述律后愛中子

德光條輒懼而趨避脫避字曹翰請晉王榮入侍條
翰請問言曰間譌問潛邸門鄭眾不赴太子條唯眾
不染於辭辭譌藩唐太宗戒于宗室條能無驕逸乎
驕下衍嬉字太宗好下脫嬉字公主門公主作定昆
池條乃更奪民田作定昆池作譌所同姓門魏曹植
二疏乞隆親親之恩條諸侯王法禁嚴切切譌初宋
孝武帝增廣王侯制度條罷官則不復追諡諡譌敬
明帝殺巴陵王條剗拉同氣拉譌立宣宗親睦兄弟
條擊毬盡歡擊譌繫卷七宰相門王尊劾奏丞相條
顓權擅執執譌柳宗元作梓人傳條听听於府庭

听听譌聽聽卷八將帥門吳明徹破齊壽陽條兵貴
神速而彼結營不進彼譌被卷九諫諍門北魏古弼
擊劉樹條乞減太半以賜貧民太譌大卷十封禪門
梁許懋議封禪條古者祀天祭地古譌后唐魏徵諫
封禪條此乃引戎狄入腹中中譌少卷十一錢幣門
北魏高道穆乞鑄五銖錢條自應息心息譌悉聚斂
門隋置洛口倉條倉城周圍十里下脫穿三百窖四
字陸贄請去二庫榜條輟食以啗功勞輟譌輒用兵
門蜀譌周作仇國論條欲乘虛向秦川虛譌西房元
齡諫太宗東征條尚上女高陽公主高陽譌文王陳

子昂諫天后擊生羌條山川阻曠去中夏遠去譌十
蜀爲戎矣矣譌大邊備門吳益巴邱之戍條嘉其抗
盡脫盡字卷十二攻守門宋陳憲守懸瓠以拒魏兵
條魏主自將步騎十萬奄至十譌千宿衛門後唐莊
宗親軍不自安條郭崇韜方用事崇譌從馬政門唐
張萬歲王毛仲善牧養條唐初纔得牝牡三千匹牡
譌馬卷十四饑饉門後晉括民穀條原野山谷城郭
廬舍皆滿郭譌廓卷十五名望門陳顓謂中華取士
條中華所以傾弊者正以取才失所才譌財隱逸門
李業等不受公孫述徵命條速裝妻子可全裝譌莊

操守門种嵩拒中常侍迎太子條從中單駕出迎太子中譎忠嚴挺之不詣李林甫條竟不之詣之譎知卷十六訓戒門唐太宗作帝範條可不惜哉可不譎不可警戒門高祖以微時納衣示後世條常自於新洲伐荻荻譎狄度量門宋王僧綽沈深有局度條文帝頗以後事爲念帝譎命果報門袁襲每勸殺所以不壽條吾好寬而襲每勸我以殺好譎所禍福門唐王沐求官被誅條家於江南江譎家日加譴責譎遣報怨門何無忌怒殷仲文爲薄已條無忌喜欽遜之欽譎欲劉毅怨庾悅奏罷軍府條符攝嚴峻攝譎

設周興以魏元同沮己條周興奏誣元同周譌同後
梁太祖爲朱友宣報仇讎條使者先鑿坑於第側第
譌地妬賢門元載與其黨攻李泌條使善待之待譌
代讒譖門曹操信讒言害崔珍條羣下畏之側目畏
譌謂卷十八功臣門郭崇韜有功無罪條李紹琛引
兵出戰於金鴈橋橋譌琛卷十九夷狄門契丹主欲
以晉百官自隨條恐搖人心搖譌遙備舉之以見舊
刻之不可忽也宋刊本每半葉十一行行廿三字行
款與茲同惟板心注字數書中無圈句爲稍異爾

載記類

吳越春秋十卷

校宋本

後漢趙曄撰此明刊本顧淵菴氏以影鈔宋本校過
第一卷頗高子勾畢宋本作勾卑與史記吳世家合
第九卷越女劍事女卽捷末下宋本多袁公操其本
而刺處女女應卽入之三入處女因舉杖擊之廿三
字與文選注太平御覽藝文類聚所引合元明刻本
皆遺之宋本嘉定中新安汪綱所刻有跋每半葉九
行行十八字

卷首有顧淵菴手校朱記

吳越春秋十卷

元刊本

此本卷末有大德十年歲在丙午三月音注越六月

書成刊板十二月畢工二行又有前文林郎國子監
書庫官徐天祐音注一行前有天祐序明弘治間鄭
璠所刻卽依此本

越絕書十五卷

明刊本

不著撰人隋唐志云子貢作 四庫書目云漢會稽
袁康撰同郡吳平所定書多異聞謂舜兄狂弟傲舜
之有兄惟見是書宋紹興嘉定元大德間皆有刻本
有無名氏跋及丁漣汪綱跋此明時翻刻本也

十六國春秋略十六卷

舊鈔本

不著撰人每國爲一卷專錄僞主六十二人諸臣無

傳崇文總目作二卷未知卽其書否馮已蒼以朱筆校過跋謂此書向疑盡出太平御覽及校對始知亦有異同也每葉心有在茲閣三字

卷首有錢印與祖希修時孝延印諸

朱記

江南野史十卷

舊鈔本

宋龍衮撰南唐書音釋載此書凡二十卷八十四傳與晁氏讀書志通志略合則是非完書矣

卷首有楊甫經眼朱

記

錦里耆舊傳四卷

舊鈔本

題前榮州應靈縣令勾延慶纂書錄解題云平陽勾

延慶昌裔撰則延慶爲蜀人字昌裔原書八卷前四卷已亡作於開寶三年起咸通九年迄乾德四年又案書錄解題有續傳十卷蜀張緒所撰朱竹垞跋卽以延慶所撰爲續傳者誤也陳氏又云李順王均劉旰作亂亦略載之惜太常博士張約序已亡矣並指續傳言而朱氏卽據之以跋此書亦譌

五國故事二卷

舊鈔本

不著撰人名氏紀僞吳楊氏僞唐李氏前蜀王氏後蜀孟氏僞漢彭城氏僞閩王氏事蹟見直齋書錄係孫潛夫鈔本

蜀檣札十卷

舊鈔本

此書見直齋書目題曰殿中侍御史裏行新建張唐英次功撰是本題宋張唐英撰名下注曰字汝功號黃松子尚書屯田員外郎其書案年紀載前蜀王氏後蜀孟氏事蹟間有論語亦潛夫鈔本

卷首有潛夫朱記

南唐書三十卷

舊鈔本

宋馬令撰并序此嘉靖辛丑茶夢主人姚咨從洛川張氏鈔本手錄蓋出自宋本也葉心有茶夢齋鈔四字咨字舜咨亦號皇象山人無錫人喜藏書值善本手自繕寫古雅可愛其自跋云正德辛巳余聞江陰

葉潛夫云靖江朱生藏有宋刻馬令南唐書許借未
往迄今二十餘年恆往來於懷今年春得主洛川張
君家塾暇日乃出馬令南唐書觀之云是從先公官
閩時所錄余曰此余二十年前求之未獲者也遂抱
疾錄一過藏諸篋笥嘉靖辛丑夏四月

南唐書十八卷

校宋本

宋陸游撰前有天曆二年趙世延序後有戚光音釋
宋本卽光所刻也小題在上大題在下猶仍舊刻史
書之式汲古毛氏初刻此書多脫譌處如烈祖本紀
保大十年放進士王克貞三人及第下脫文曰旋復

停貢舉三月以太弟太保馮延巳爲左僕射前鎮海
節度使徐景運爲中書侍郎及右僕射孫忌並同平
章事帝以南漢乘楚亂據桂宜等州將取之以知全
州張巒兼桂州招討使夏四月丙戌朔日有食之命
統軍侯訓帥五千人會張巒攻桂州敗績于城下訓
死之巒收餘眾保全州周興順指揮使白進福以疾
來歸秋九月召朗州劉言入朝冬十月劉言將王遠
周行逢攻潭州壬辰拔益陽寨戍將李建期死之丙
辰潭州節度使邊鎬棄城遯辛丑劉將蒲公孟攻岳
州刺史宋德權監軍任鎬棄城遯十一月劉言盡據

故楚地詔流邊錡于饒州斬宋德任錡于太社斬裨
將申洪泰尹建于都門外平章事馮延巳孫忌皆罷
延巳左僕射忌右僕射十二月雩都令趙暹奔周洪
州大都督楚王馬希萼來朝留不遣是歲大旱

以下
提行

保大十一年春三月以左僕射馮延巳同平章事金
陵火逾月焚官寺民廬數千間復設貢舉

下接夏六
川云云

又宋齊丘列傳若謂窺伺謀篡竊下脫文曰則過也
特好權利尚詭譎造虛譽植朋黨矜功忌能飾詐護
前富貴滿溢猶不知懼狃於要君闇於知人釁隙遂
成蒙大惡以死悲夫

以下論曰世言江南精兵十萬
提行

而長江天塹可當十萬國老宋齊丘機變如神可當
十萬周世宗欲取江南故齊丘以反間死方五代之
際天下分裂大亂賢人君子皆自引於深山大澤之
間以不仕爲得而馮道有重名於中原齊丘擅衆譽
於江表觀其人可以知其時之治亂矣周師之犯淮
南齊丘實預議論雖元宗不盡用然使展盡其籌策
亦非能決勝保境者且世宗豈畏齊丘機變而問之
者哉蓋鍾謨白周歸力排齊丘殺之故其黨附會爲
此說非其實也予論齊丘事盡黜當時愛憎之論而
錄其實覽者得詳焉又三徐三王二朱胡申屠喬睦

列傳烈祖喟然謂常夢錫曰吾不意其下脫文曰捨
匡舜也夢錫與韓熙載素惡齊丘每相語曰宋公誤
識亞元正可怪久之齊丘出鎮豫章始表爲節度掌
書記保大中召爲駕部郎中知制誥進中書舍人周
侵淮南諸將無功元宗親議率六軍拒之匡舜上疏
切諫帝怒坐以沮國動人心流撫州然亦卒不能親
行也後主嗣位復起爲司農少卿歷殿中監修國史
給事中兼獻納使知貢舉放及第樂史輩五人多久
滯名場者時稱得人而少年輕薄子嘲之謂之陳橋
皮膀遷刑部侍郎老病乞骸骨後主憫其貧給俸終

身開寶五年卒年七十五諡曰貞

以下陸昭符金陵

人不知所以進保大中爲常州刺史州當吳越之衝

屢交兵城邑荒殘昭符爲政寬簡招納逋亡未幾遂

富實一日坐廳事雷雨暴至電光如金蛇繞案史卒

皆震仆昭符不懼撫案叱之雷電遂散及舉案惟得

鐵索重百斤昭符亦不變色徐命舉案索納庫中顯

德五年元宗旣稱藩于周秋八月命昭符爲進奏使

置邸

下接大榮云云

又劉潘李嚴張龔列傳後主在東宮開

崇文館下脫文曰以招賢士佑預其間後主嗣位遷

虞部員外郎史館修撰議納后禮援據精博合指遷

知制誥召草南漢主書文不加點後主咨賞遷中書
舍人每以潘卿稱之而不名佑酷喜老莊之言嘗作
文一篇名曰贈別其辭曰莊周有言得者時也失者
順也安時處順哀樂不能入也僕佩斯言久矣夫得
者如人之生自一歲至百歲自少得壯自壯得老歲
運之來不可御也此所謂得之者時也失之者亦如
一歲至百歲暮則失早今則失昔壯則失少老則失
壯行年之去不可留也此所謂失之者順也凡天下
之事皆然也達者知我無奈物何物亦無奈我何兩
不相干故泛然之也故浩然之也其視天下之事如

奔車之厯蟻垤也。值之非得也，去之非失也。燕之南越之北，日月所生，是謂中國。其間含齒戴髮，食粟衣帛者，是爲人。剛柔動植，林林而無窮者，是爲物。以聲相命，是爲名。倍物相聚，是爲利彙。首而芸芸，是爲事。事往而記於心，爲喜爲悲爲怨爲恩，其名雖眾，實一心之變也。始則無物，終復何有，而於是強分彼我，彼謂我爲彼，我亦謂彼爲彼，彼自謂爲我，我亦自謂爲我。終不知孰爲彼，耶孰爲我，耶而世方徇欲嗜利，繫心於物局促。下按若幘下駟云云卷末有陸敕先手書一行曰：遵王抄本校一過。甲寅九月七日觀庵記。卷中有海虞馮武朱

記

吳越備史四卷

舊鈔本

宋范炯林禹同撰舊有錢氏年號世系圖諸王子弟官爵封諡表已佚直齋書錄謂錢俶弟儼所作託名范林者錢氏敏求記謂武肅十九世孫德洪刊本有補遺一卷以家藏舊本校閱知其紊亂脫誤此卽出自遵王藏本猶爲完書也案錢氏諱佐凡左皆改爲上書中所謂上右乃左右也卷末有錢遵王述古堂

藏書一行

安南志略十九卷

鈔本

元黎胤撰其書與元史有出入處足以訂正誤脫舊
有元明善許有壬歐陽玄序此本遺之

東國史略六卷

舊鈔本

不著撰人名氏乃朝鮮人紀其國之事故亦名朝鮮
史略萬曆間邑人趙清常得其本鈔錄以傳中國遂
有是書趙有跋曰東國史略六卷不著姓氏於燕京
馮滄洲仲纓齋頭見之因借錄一冊其書雖簡略而
上下數千年間事歷歷可指諸掌至如幽奇理亂之
跡不少概見可謂東國之良史也滄洲別有東國通
鑑三十冊爲東明石大司馬星取去聞其書更精于

此惜不得睹之馮嘗從事于東征有全城之功而不見賞今鬱鬱長安索五斗米不能如侏儒之飽腹也悲夫時萬曆三十八年庚戌季秋朔後三日後附百夷傳一卷明餘姚錢古訓編百夷在雲南之南越金齒景東踰怒江始至其地洪武中古訓奉使還上此書湖廣參政楊砥爲之序亦有清常跋云歲庚戌在京師閒步刑部街見此書遂買之錄一冊以隨奚囊蓋亦山經水志之一班云時萬曆三十八年庚戌十一月十有三日

不著撰人名氏紀安南國事近有得安南鐘搨本中
題皇越昌符九年乙丑据是書卽其國主陳暉年號
也

鐵琴銅劍樓藏書目錄卷十終

銅劍樓藏書目錄卷第十一

常熟瞿 鏞子雍

史部四

時令類

歲時廣記四十二卷

鈔本

題廣寒僊裔陳元靚編前有劉純朱鑑序書凡四十卷前列圖說一卷後有總載一卷是書世所傳本僅有四卷卽敏求記所載前列圖說分四時爲四卷者而曹倦圃輯學海類編則并其圖說佚之矣此仁和胡君珽藏本借得朱述之司馬本鈔出朱本出自天

一閣范氏案前四卷僅總載四時之景以下皆分載
良辰令節五六七卷爲元旦八卷爲立春九卷爲人
日十至十二卷爲上元十三卷爲月晦中和節十四
卷爲二社日十五十六卷爲寒食十七卷爲清明十
八十九卷爲上巳二十卷爲佛日廿一至廿三卷爲
端午廿四卷爲朝節即夏天貺節六月廿五卷爲三
伏節立秋廿六至廿八卷爲七夕節廿九三十卷爲
中元節三十一至三十三卷爲中秋三十四至三十
六卷爲重九三十七卷爲小春下元三十八卷爲冬
至三十九卷爲臘日交年節十二月四十卷爲歲除

皆采宋以前子史中典故搜錄無遺惜第五卷全闕
六卷中亦有殘佚矣

地里類

三輔黃圖一卷

校本

不著撰人名氏陳直齋以爲漢魏間人所作隋志唐
志皆作一卷明刻析作六卷非舊第矣毛氏辰嘗以
宋本校正明刊本顧氏廣圻從之傳錄有跋曰此毛
斧季手校內一處構字作御名是用南宋高宗時刻
本也首尾通爲一卷社稷條注元始云云乃後人采
後漢書祭祀志添入者此本無之字句煩簡亦往往

合於玉海諸書所引者足徵其本之佳矣惟陵墓條
無校字其本似不載亦未詳其意余家又藏黃琴六
錄本卽出自顧氏者也

歷代宮殿名一卷

舊鈔本

題翰林學士承旨太中大夫守工部尙書知制誥上
柱國臣李昉等奉聖旨纂此書作於開寶中見中興
館閣書目陳氏書錄解題其敘歷代以隋唐繼後周
後魏西晉爲正統以六朝北齊爲僭僞宋時論統如
此書名專舉宮殿其實門闕樓觀苑池臺館無不畢
錄舊藏稽瑞樓陳氏

卷首有張鼎文印
宣和中秘二朱記

右宮殿疏

元和郡縣圖志四十二卷

舊鈔本

題金紫光祿大夫中書侍郎同中書門下平章事兼
集賢殿大學士監修國史上柱國趙國公臣李吉甫
撰并序又程大昌後序洪邁張子顏跋舊有圖宋時
已失原闕第十九二十卷二十三二十四卷三十六
卷共第十八卷闕其半二十五卷闕二葉是本舊爲
顧俠君藏書元和戈小蓮襄以朱筆參校卷末有顧
千里題記云新刻不如此鈔本遠甚惜乏暇日審正

之

卷首有秀野草堂
顧氏藏書印朱記

太平寰宇記二百卷

舊鈔本

題朝奉郎太常博士直史館賜緋魚袋樂史撰并序
此秀水朱氏藏本竹垞跋云鈔自濟南王祭酒池北
書庫闕七十餘卷借傳是樓本補之尚闕河南道第
四卷江南西道第十一至十七卷凡七卷各家藏本
俱同蓋佚去已久世無完本矣每卷末有校勘數條
亦出舊本不詳何人

卷首有曝書亭珍藏
朱彝尊印二朱記

新定九域志十卷

舊鈔本

是書首卷殘闕撰人名無考然覈其書與宋王存等
撰元豐志相似惟多古蹟一門晁氏讀書後志云九

域志有新舊本此殆卽新本也 四庫全書總目云
崑山徐氏藏有宋槧本首卷四京及京東東路俱闕
此本闕處同當卽從之傳錄

新編方輿勝覽十一卷

宋刊
殘本

題建安祝穆和父編原書七十卷分十七路各係所
屬州府軍於下今所存者卷六紹興府卷七慶元府
衢州婺州卷八台州卷九瑞安處州卷十三興化軍
漳州汀州卷十四建康府自第七葉
以下缺卷十五首缺詳
其事跡乃宣州也卷十六徽州池州卷十七南康軍
卷十八信州饒州廣德軍卷十九隆興府袁州舊爲

項氏天籟閣藏書

卷首有錢印維城項氏
珍藏林佶不烈諸朱記

輿地紀勝二百卷

影鈔
宋本

題東陽王象之編有自序李璣序及曾一□鳳劄子
案象之字儀父金華人嘗知江寧縣是書世鈔傳本
近錢唐何夢華得影鈔宋本邑中張氏從之傳錄已
闕第十三卷至十六卷第五十卷至五十四卷第一
百三十六卷至一百四十四卷第一百六十八卷至
一百七十三卷第一百九十三卷至二百卷凡三十
一卷體例仿後漢書郡國志以行在所爲首書作於
南宋嘉定十四年故行在所屬之臨安而一切沿革

亦準是時每府州軍監分子目十二曰府州沿革曰
縣沿革曰風俗形勝曰景物上景物下曰古迹曰官
吏曰人物曰仙釋曰碑記曰詩曰四六世所傳輿地
碑目卽從之鈔出者案楊升庵跋岫嶠碑有引此書
云禹碑在岫嶠峯又傳在衡山縣雲密峯昔樵人曾
見之自後無有見者宋嘉定中蜀士因樵夫引至其
所以紙打其碑七十二字刻於夔門觀中後俱亡今
覈此本衡州碑記門有岫嶠碑注惟載韓文公詩而
無升庵所引語則是書所存已多殘闕非復完帙矣

元一統志七卷

舊鈔
殘本

題集賢大學士資善大夫同知宣徽院事臣李蘭盼
昭文館大學士中奉大夫秘書監臣岳鉉等上進案
秘書監志至元二十二年乙酉世祖命集賢大學士
行秘書監事札馬刺丁與秘書少監虞應龍輯大一
統志成宗大德初復從集賢待制趙忱請重修書成
藏之秘府至正六年始刊行之全書一千三百卷此
存蜀省均州一卷房州一卷通安州一卷鄜州二卷
葭州三卷其書分縣編次紀載分明不同明一統志
之府縣合併也

右總志

吳郡圖經續記三卷

校宋本

宋朱長文撰有自序及常安民林慮祝安上孫佑等序跋明錢叔寶刻本鈔自沈辯之復以崑山葉子寅所藏宋本校誤自較近刻爲優此從楊五川影鈔宋本校過尙存舊本真面目也別有錢遵王藏本一册

亦鈔自宋刻

卷首有錢曾彭城楚殷氏讀書記錢興祖印孝脩諸朱記

乾道臨安志三卷

舊鈔殘本

宋周淙撰原書十五卷此存第一卷至第三卷杭州孫晴崖得宋槧殘本於京師一時錄副以傳有厲氏鵝杭氏世駿二跋俱見本集

卷首有吳興陸三南琨一字春塘二朱記

淳熙三山志四十二卷

舊鈔本

朱梁克家撰并序原書四十卷其第三十一三十二兩卷進士題名乃朱貔孫續入共分九門其人物一門專詳科第不載事實陳氏書錄宋史藝文志俱作長樂志直齋謂其時陳止齋通判州事志多出其手也後有錢竹汀跋

吳郡志五十卷

宋刊本

題吳郡范成大撰前有紹定二年汴人趙汝談序目錄後有校勘者何漳劉九思李起汪泰亨李宏結銜四行汲古毛氏刻本有脫佚處如第十一卷末二葉

牧守題名吳淵下脫去鄭霖余晦余天任趙與言趙
汝歷趙與儼六人與儼雖複出其敘受官年月不同
書刻於紹定初乃牧守題名又列淳祐寶祐到任諸
人當是後人遞有增加非原本矣每半葉九行行十
八字注字同

刻錄十卷

鈔本

宋高似孫撰并序又史安之序此書敘述簡雅世推
重之其先賢傳多取晉雜史及王謝氏家譜一一注
其所出爲自來志乘所未有古今長已載謝奕而先
賢傳又列之亦勑例也

嘉泰會稽志二十卷

明刊本

宋紹興府通判施宿及郡人馮景中陸子處朱胤王
度等撰序之者陸放翁時年七十七矣子虞卽放翁
子也

會稽續志八卷

明刊本

宋張浚撰并序續記嘉泰辛酉以後事兼補前志之
遺如進士題名之類皆其所增書成於寶慶元年宋
刻久佚明正德間郡守石某屬邑人王縉訪舊本校
刻之卷末有正德五年龍集庚午九月初吉重刊一
行

嘉定鎮江志二十二卷

鈔本

不著撰人案陳氏書錄曰鎮江志三十卷教授天台
盧憲子章撰今檢是書第五卷有憲謹釋者二條第
二十二卷有盧憲論曰二條其爲盧氏志無疑惟卷
數不同乃出後人重編耳中有注續增添字者亦後
所加非原本也

嘉定赤城志四十卷

明刊本

宋陳耆卿陳維林表民等同撰有陳氏自序謂郡守
青社齊碩屬其纂成陳氏書錄曰志前有圖十三此
本僅存圖十佚其三矣舊爲毛氏藏書

卷首有汲古閣朱記

寶慶四明志二十一卷

鈔本

宋羅澹撰有圖四葉其書成於寶慶而卷中及紹定以後事乃出後人增訂非原本矣

寶慶四明續志十二卷

鈔本

是書簡端有序題開慶元年迪功郎慶元府學教授梅應發奉議郎添差沿海制置大使司主管幾宜文字新添差通判鎮江府劉錫百拜謹書蓋二人同纂之書也書成於開慶而題曰寶慶者承前志而言專紀吳丞相潛判慶元府時政事後附吟藁二卷詩餘二卷爲志乘創體履齋著作藉是以傳是書向來與

寶慶志藏書家皆未見自謝山全氏得宋槧本於陸參政懋龍家後歸趙谷林錄副以傳

澉水志八卷

鈔本

宋常棠撰并序又羅叔韶序澉浦見水經唐時置鎮宋時設官紹定三年監鎮稅修職羅叔韶使棠爲志凡十五門詞簡事覈後二十七年鎮尹孫某鐫板以傳鄉鎮有志始此書

淳祐臨安志六卷

鈔殘本

不題撰人張月霄氏曰是書所載事蹟至淳祐止稱理宗爲皇上其爲施諤所撰淳祐志無疑原書卷數

未詳今存第五卷至第十卷城府山川二門前有小
序議論詳贍異於他志其二門中諸子目咸淳志實
本之各條下所采詩文互有詳畧雖不全本亦可資
考證也

景定嚴州新定續志十卷

鈔本

宋鄭瑤方仁榮同撰曰新定者當時刊附紹興舊志
後今舊志不傳惟存是書有方逢辰序上方朱筆從
朱刻校過

嚴州圖經三卷

影鈔
朱本

宋嚴州郡守陳公亮修前有紹興己未知軍州事董

并序及淳熙丙午州學教授劉文富序王氏輿地紀勝陳氏書錄馬氏通考俱作新定志卽此書也此從淳熙刻本鈔出卷首載建隆元年太宗皇帝初領防禦使詔宣和三年太上皇帝初授節度使制及敕書榜文二道蓋修志時高宗猶在德壽宮故稱太上也前有圖九葉卷一新定郡卷二建德縣卷三淳安縣其體例先以歷代沿革次分野次風俗次州境次城社次戶口次學校次科舉次廨舍次改充次館驛次軍營次坊市次橋梁次溝渠次物產次土貢次課利次祠廟次古跡次賢牧次正倅題名添倅題名次學

校登科記次人物次碑碣終焉惜卷三古蹟後已脫

佚矣

咸淳臨安志一百卷

舊鈔本

宋潛說友撰并序此本舊爲何夢華所藏鈔自毛氏所得宋槧本闕第六十四卷第九十卷第九十八至第一百卷凡五卷莫由補全近振綺堂汪氏刻本亦仍其闕可知世無他本矣

卷首有何元錫印何敬祖氏二朱記

重修琴川志十五卷

影鈔元本

朱鮑廉撰元盧鎮修吾邑有志剗自慶元丙辰縣令孫應時淳祐辛丑令鮑廉與邑士鍾秀實胡淳裒

增益始克成編凡分敘縣敘官敘山敘水敘賦敘兵
敘人敘產敘祠敘文十二門逮元至正乙巳令盧鎮
卽舊本校刊曰重修者據自序謂舊所未載各附卷
末則於鮑志實未有更易也故仍題鮑名有鎮自序
戴良序及丘岳楮中舊序邑中言氏藏有元刊本從
之影寫前有圖五汲古照曠兩家刻本俱無之原本
有邑人龔氏立本手跋云此書邵兵部麟武初得於
興福寺而失去一卷予從借觀兵部別以鈔本相示
邑中好事間爲傳寫兵部歿後原本歸許文學叟美
予又從借觀則失者已全叩之迺南都書肆偶留殘

帙爲文學所購也嗟乎延平之劍越三百年離而復
合眞非偶然兵部珍藏於昔文學哀集於今俱可嘉
尚感而記之崇禎己巳初秋又言氏朝楫跋云琴川
志余家所藏各圖皆全忽爲當事者借觀索還日圖
少幾頁歎惋久之嘉慶十年五月

玉峰志三卷續志一卷

舊鈔本

宋凌萬頃邊實同撰有萬頃自序及項公澤跋續志
邊實撰有實自序及謝公應跋案萬頃字叔度景定
三年進士本陽羨人父爲崑山顏氏婿因家焉實上
世居開封曾祖惇德始居崑山淳祐壬子歲項公澤

爲邑令屬二人同纂斯志咸淳壬申歲邑令謝公應復屬實續編之刻梓以傳宋時縣志今傳世者惟高氏刻錄鮑氏琴川志黃氏仙溪志及此志耳舊爲稽瑞樓藏書

仙溪志四卷

鈔本

題迪功郎興化軍仙遊縣尉黃巖孫編有自序及陳堯道劉克莊序巖孫字景傳溫陵人書作於寶祐丁巳而進士題名及咸淳景炎後人次第增入非原本矣其書紀載甚略惟人物差詳

嘉禾志三十二卷

舊鈔本

元徐碩撰此書作於至元中本岳倦翁舊志而增廣之詳載碑志多至十卷故見重金石家但有登科題名而無守令題名此其闕失也有至元戊子郭晦唐天麟二序

類編長安志十卷

舊鈔本

題京兆路儒學教授駱天驤纂開成路儒學教授薛延年校正是書取宋氏志稍增金元間沿革故事而分門條繫之如詩文之有分類然地志無此體也舊爲崑山葉九來藏書

卷末有南陽叔子苞印及一泉下學齋書畫記諸朱記

大德昌國州圖志七卷

鈔本

元陳恬撰恬字晏如上虞人其地有三湖曰夏蓋曰
上妃曰白馬邑中永豐上虞寧遠新興孝義等鄉之
田皆賴水利以治而通塞不常晏如因撰此書詳載
疏治園築啟閉蓄洩之法兼及沿革興復事實以至
誌刻公牘前列四圖俾後人遵行不廢其有功於是
鄉大矣書成於至正二十二年有劉仁本楊翮序刻
板久佚嘉靖丙申邑令汝陰張光祖序而重刻之舊

爲陳子準氏藏書

卷首有稿
瑞樓朱記

河防通議二卷

鈔本

元沙克什撰并序金人有此書不著撰者姓氏又有

汴本題沈立撰沙克什彙二本而釐訂之書成於至治元年至元四年嘉興路總管元昇序而刻於學

右河渠

北邊備對一卷附北轅錄一卷

鈔本

宋程大昌撰并序書成於紹熙二年其自序謂追憶淳熙初孝宗詢及北方地里因采古來中華北狄樞紐相關者條列而推言之後附北轅錄一卷宋周燁撰記敷文閣待制張子政使金賀生辰事燁疑爲從行者兩書本不相附裝訂時以類合爲一冊並從錢遵王本傳錄

東南防守利便三卷

舊鈔本

宋呂祉撰祉字安老建陽人宣和初進士仕至兵部尚書督府參謀軍事以鄜瓊叛死難事迹詳宋史其知建康府時與通判吳若安撫使陳充共作此書卷首有進書狀大意謂立國東南當聯絡淮甸荆蜀之勢臨安僻在海濱若移蹕江上可繫南北離散之心也舊爲金竹山房藏本

右邊防

廬山記三卷附廬山紀略一卷

鈔本

宋陳舜俞撰首卷總敘山篇第二卷敘山北篇第三

卷敘山南篇陳氏書錄作五卷此闕其二矣自序云錄唐以前碑記今無之直齋曰劉凝之李公擇皆有序今亦佚去矣廬山紀略乃釋惠遠所作出後人附錄非原本也

赤松山志一卷

鈔本

宋道士倪守約撰并序山在婺郡卽金華山是志作於咸淳間述神仙真人靈異并錄宋時制誥以矜光寵道流之筆語涉凡鄙

茅山志十五卷

元刊本

題上清嗣宗師劉大彬造前有泰定甲子集賢大學

士光祿大夫西秦趙世延序泰定丁卯特進上卿元
教大宗師吳全節序天曆元年大彬自序後有延祐
泰年前翰林學士承旨榮祿大夫知制誥兼修國史
趙孟頫序序後有金華道士錢唐西湖隱真庵開山
何道堅施梓一行是書復有永樂間姚少師刻本胡
氏儼序謂原本爲句曲外史張雨所書至爲精潔卽
此本也

仙都志二卷

舊鈔本

元道士陳性定撰此仙都山在括蒼縣卽縉雲山道
家謂洞天第二十九蜀亦有仙都山道經謂第四十

二福地則在鄧都縣境此書凡分六門曰山川曰祠
宇曰神仙曰高士曰草木曰碑碣題咏作於至正中
有無名氏序

天台山志一卷

鈔本

不著撰人姓氏卷末有前至元間桐柏道士王中立
遭遇世祖皇帝宣授仁靖純素真人云云則爲元人
所作殆順帝時也

右山川

洛陽伽藍記五卷

明刊本

題魏撫軍府司馬楊銜之撰有自序此如隱堂刻本

較綠君亭本爲佳舊爲吳頊儒丈藏書內第一卷第

二卷並有缺葉以顧澗菴校本鈔補

卷首有吳卓信印頊儒二朱記

長安志二十卷附圖說三卷

舊鈔本

題龍圖閣直學士右諫議大夫修國史特贈尚書禮部侍郎常山侯宋敏求撰後附圖說三卷元東明李好文撰陳伯玉謂漢唐舊都遺事此書最詳此吳伊仲鈔汪退谷藏本復以竹垞本校過 四庫所收本缺趙彥若序此本有之嘉靖本多闕筆空白此本皆不闕原出宋本也有黃虞稷跋曰是本舊爲陶爾成所藏今歸朝爽閣中爾成嗜書所藏多叢雜當以此

書爲第一庚寅菊月之廿三日又有汪士鋐跋曰此書人間久已絕少丁亥歲奉命纂修方輿路程因於織造曹銀臺處借鈔得之眞可寶愛閱者無忽視之也壬寅九月十三日秋泉居士記又吳翌鳳手跋曰乾隆戊戌春日假得朱文游所藏汪退谷本其中誤闕尙多冬至後四日督率門徒寫完又跋云壬寅三月借海鹽吳君葵季所藏竹垞鈔本校對一過改正數百字聞海鹽張氏有宋刻本當託吾友文魚借校也時癸卯十二月二十日又跋曰丙午夏日從畢氏新刻本對校畢本譌闕尙多非善本也

雍錄十卷

明刊本

宋程大昌撰明西安郡守汝南李經序而刊置郡齋
又有康海序校之者錫山安國也安氏所刻諸書校
讐皆善

右古蹟

北戶錄三卷

舊鈔本

題萬年縣尉段公路纂登仕郎前京兆府參軍崔龜
圖註有陸希聲序公路是書作於廣州皆紀其地物
產案史記秦紀南盡北戶顏師古注漢書曰南郡在
日之南所謂開北戶以向日者書名北戶以此別本

題名中脫去崔字遂致誤勿公路同族此本目錄後
有臨安府太廟前尹家書籍鋪刊行一行是從宋本
傳錄者

桂林風土記一卷

鈔本

題銀青光祿大夫檢校左散騎常侍使持節融州諸
軍事守融州刺史御史大夫莫休符撰并序此郡人
張青芝鈔本卷末并錄無名氏題記云洪武壬戌三
月傳錢唐宜齋沈勗義產忠父藏本又有萬曆丁酉
秋日拙修子跋云此記爲長溪沈氏藏本項庭堅舅
假出示余因得錄之奈譌字太多當校正重寫云云

卽竹垞老人所見本也中有唐人佚篇今全唐詩皆據以錄入矣其自序曰前賢撰述有事必書故有二國志荆楚歲時記湘中記奉天記惟桂林事迹闕然無聞休符因退居粗錄見聞曰桂林風土記聊以爲敘時唐光化二年九月二十三日序是書舊藏士禮居有黃蕘圃跋云余此書係郡先輩張青芝先生手鈔卷端鈐張位小印卽其姓名也蕘翁復借得竹垞校秀野草堂本及吳枚庵所鈔江藩本重校之并錄竹垞跋曰桂林風土記唐光化二年融州刺史莫休符撰新唐書藝文志作三卷今祇存一卷閩謝在杭

本草齋所錄舊藏徐惟起家卷尾稱獲諸錢唐沈氏
是洪武十五年鈔傳雖非足本中載張固盧順之張
叢元晦路單草瓘歐陽曠李渤詩宋唐音者均未著
於錄洽聞之君子亟當發其幽光者也康熙戊子閏
月竹垞八十翁識

幽蘭居士東京夢華錄十卷

舊鈔本

宋孟元老撰并序又趙師俠序邑人孫竹鄉藏本據
淳熙丁未刻本校

卷首有孫
淇朱記

別藏明刊本一冊卷末

有題字一行云弘治甲子重新刊行

六朝事跡編類二卷

舊鈔本

宋張敦頤編并序又韓仲通序邑人馮彥淵家藏舊本其子武假得宋本上卷校過宋板注俱雙行細書每半葉十行行十八字武有手跋見張氏藏書志

卷首

有馮氏藏本朱記

會稽三賦三卷

宋刊本

宋王十朋撰其會稽風俗賦題剡溪周世則注郡人史鑄增注有序其民事堂蓬萊閣二賦題愚齋處士注卽鑄也案此三賦不載忠文集中乃官越簽幕時作卽延試第一之年冬月也

卷首有嚴充私章朱記

會稽三賦一卷

明刊本

是書爲明渭南南逢吉注前列紹興府圖并說後有
明人跋云崇禎丁丑閏四月收自吳閫舟過婁東止
旅舍閱此稽舟五日以備兵使者對簿也子牧識別
藏補註三卷明上虞尹壇所撰以補逢吉之未備前
有朱啟元序亦明時刊本也

中吳紀聞六卷

明刊本

題崑山龔明之前有弘治七年慈溪楊子器序後有
至正二十五年武寧盧熊舊跋自毛斧季於葉九來
借得菴竹堂藏本從盧公武本錄傳者改正一百三
十餘處多翟超一則遂爲此書善本此本所校正者

迺蔣篁亭借義門校本錄傳卽葉氏本也

卷首有滋蘭堂藏書

朱記

都城紀勝一卷

舊鈔本

題灌圃耐得翁撰不著姓氏案自序作於端平乙未
宋理宗十二年也所記皆閭閻雜事

莆陽比事七卷

舊鈔本

宋李俊甫撰有陳謙林瑒序是書見宋史藝文志曩
時諸家書目不載近阮氏經進書目張氏藏書志皆

著錄矣舊爲陳子準氏藏本

卷首有稽瑞樓朱記

吳中舊事一卷

舊鈔本

元陸友仁撰并序書中述紹興間得東漢高彪碑彪
爲外黃令與後漢書彪傳遷內黃令異又謂張籍尖
郡人與唐書本傳作烏江人異亦有資考證也世有
刊本脫譌不少此爲隆慶間顧德育鈔本有跋云余
嘗見陸友仁書吳中舊事一卷於衡山先生几上後
數年過蒼雪館見已裝帙且用松雪翁印印之遂假
歸亦錄一册仍繫徐顯克昭所著友仁小傳於後以
見非松雪翁筆也隆慶改元丁卯四月安雅生顧德
育記時年六十有五

平江記事一卷

元刊本

題建德總管郡人高德基無序跋書作於至正中所
紀佚聞雜事足資郡邑志采擇亦陸輔之吳中舊事
之類舊爲寶山毛生甫所藏有李申耆跋云是書寥
寥四十餘則而疏證方志頗見明通隨舉軟聞亦間
有足裨元史之漏者尚是元刊元印楮墨精好可愛
生甫以賤估獲之廢書肆裝以示予喜而識之道光
十有七年在揚州都轉署

右雜記

遊城南記一卷

鈔本

朱張禮撰并自注各條下有續注不詳何人注中所

引有長安志而無韋氏西京記豈其時已佚耶

遊志續編一卷

鈔本

元陶宗儀編宋陳仁玉嘗有遊志一編九成擬續之首錄其序曰羅列已所采前人遊覽之文五百年來編殘簡斷有藉是本以傳者舊出錢叔寶鈔本

長春真人西遊記二卷

舊鈔本

題真常子李志常述專記其師邱處機事蹟曰遊記實括其一生也有孫錫序處機字通密號長春真人元太祖召居天長觀禮遇優渥著有蟠溪集六卷記中多述神異乃道家之常其隨地題句亦多清夏之

作

右遊記

宣利奉使高麗圖經四十卷

校朱本

題奉議郎充奉使高麗國信所提轄人船禮物賜緋魚袋臣徐兢撰并序又從子歲後跋附張孝伯撰行狀此書有乾道三年刻本圖已不存明季海鹽鄭休仲重刻脫文至數千字又有錯簡處近鮑氏所刻雖勝鄭本亦多脫誤此本出舊鈔毛斧季復以朱本校正其第四十卷儒學條中雜林之人引領嘆慕至以下舊脫一葉是本尚全其文曰一金易一篇用爲規

範則其用心可知矣觀夫倭辰餘國或橫書或左畫
或結繩爲信或鏤木爲誌各不同制而麗人乃摹寫
隸法取正中華至於貨泉之文符印之刻舉不敢妄
有增損字體者是宜文物之美侔於上國焉炎宋肇
興文化遠被稽首叩關請爲藩臣其使者每至來朝
觀國之光歆豔晏榮歸而相語人益加勉淳化二年
廷試天下士被亦賓貢其人來獻文藝太宗皇帝嘉
之用擢其數內王彬崔罕等進士及第授將仕郎守
祕書省校書郎津遣還國時國王治上表致謝詞甚
感載神宗皇帝憫俗學之弊命訓釋三經以被天下

徽蒙特詔賜其書本俾之獲見大道之純全主上不
承先志推廣舍法又賜其來學子弟金端等科名以
歸於是靡然以下宋本每半葉九行行十七字書中
涉宋帝及詔賜字皆提行每卷有虞山毛
展手校朱記

右外紀

鐵琴銅劍樓藏書目錄卷十一終